

浙江文叢

輿地紀勝

〔第五冊〕

浙江出版聯合集團
浙江古籍出版社

浙江文叢

輿地紀勝

〔第五冊〕

卷第四十八至七十

〔宋〕王象之編著 趙一生點校

浙江出版聯合集團
浙江古籍出版社

輿地紀勝卷第四十八

淮南西路

和州 歷陽 濡須 烏江 東城 南豫

州沿革

和州，上。歷陽郡，防禦。《九域志》。《禹貢》：揚州之城。《寰宇記》。於天文，直南斗魁下。劉禹錫《和州壁記》。在春秋時，爲楚地。此據《寰宇記》。而《寰宇記》又云：《春秋左氏傳》：『吳取楚太子建之母於巢。』象之謹按：《左傳·昭公二十三年》：『楚太子建之母在（耶）〔耶〕。冬十月，吳太子諸樊入（耶）〔耶〕，取楚夫人以歸。』乃取太子建母於（耶）〔耶〕，非取於巢也。又《定公二年》：『吳軍圍巢，克之，獲楚公子繁。』乃取公子繁於巢，非取太子建之母也。《寰宇記》乃合二事爲一以書之，非傳之本旨也。又云：『子囊師于棠。』按棠乃棠君尚之封。《寰宇記》已附之於真州六合之下，不應又指以爲和州，二者俱不同。劉禹錫《壁記》以爲吳之封。亦不同。戰國猶爲楚地。《寰宇記》。秦爲歷陽縣，隸九江郡。此據

《元和郡縣志》。又劉禹錫《壁記》云：『亦^(二)爲九江治所。』漢屬淮南國，後屬九江郡。《西漢志》云：『九江郡，秦置。高帝四年，更名爲淮南國。武帝元狩元年，復故。』而歷陽爲九江都尉治所。《西漢志》歷陽縣下。後漢揚州移理於此。此據《元和郡縣志》。又《東漢志》歷陽國下書云：『爲刺史治所。』三國時，屬吳爲重鎮。此據《寰宇記》。然《元和郡縣志》以爲吳、魏交爭之所。按吳、魏交爭，乃在居巢東關濡須塢之間，然歷陽雖密邇諸處，而考之《通鑑》，戰爭之跡不顯。《輿地廣記》：屬吳爲重鎮。晉屬淮南郡。《晉志》淮南郡下有歷陽、烏江二縣及阜陵縣。又於阜陵縣下注云：『漢明帝時，淪爲麻湖。』或者云：麻湖即歷湖，歷字與麻字相類，後人訛耳。惠帝分立歷陽郡《晉志》不載分立歷陽郡一節。《元和郡縣志》云：『晉平吳，立淮南郡，後改歷陽郡。』而不言其時。《寰宇記》云：『東晉改爲歷陽郡。』象之謹按：《晉志》：淮南郡立於漢武，非晉武平吳之時也。又按《宋志》云：『歷陽太守，晉惠帝永興元年分立。』劉禹錫亦云：『立於永興時。又非分於東晉也，今不取。』歷陽、烏江、龍亢三縣隸焉。沈約《宋志》。或爲內史，《通鑑》：明帝太寧三年：『蘇峻爲歷陽內史。』或爲太守。《通鑑》：成帝咸康元年：『袁耽爲歷陽太守。』揚州刺史或治歷陽。《南齊志》云：穆帝永和中，胡僞揚州刺史王浹以壽春降，而刺史或治歷陽。宋分豫州爲南豫州，治歷陽。《通鑑》：宋高祖永初二年：『詔分豫州，淮以東爲南豫州，治歷陽，以彭城王義康爲刺史。』《南齊志》云：『宋永初二年，分淮東爲南豫州，治歷陽，而淮西爲豫州。』《齊志》：歷陽郡有歷陽、龍亢、雍邱三縣。此據《齊志》。而烏江縣乃隸臨江郡。注云：『建元二年，罷郡，併歷陽。』梁侯景攻歷陽，太守莊鐵以城降，景遂渡江。《通鑑》：在梁武太清二年。自景亂，江北之地盡屬東魏。《寰宇記》。其後北齊文宣送（正）

〔貞〕〔四〕陽侯淵明至歷陽，與齊盟于江北，而後濟江。《通鑑》在梁敬帝紹泰元年。齊以二國協和，故謂之和州，《元和郡縣志》及《隋志》云：『後齊立和州。』領歷陽、齊江二郡，《寰宇記》云：『改臨江郡爲齊江郡。』後又省齊江併烏江，並入歷陽爲一郡。《寰宇記》。隋文帝罷郡爲和州，《寰宇記》在開皇十三年。改歷陽郡。《隋志》云：『大業初，復置郡。』唐初，復爲和州，《通鑑》：唐高祖武德三年：以杜伏威爲和州刺史。又改歷陽郡，天寶元年。復爲和州。乾元元年。五代楊氏、李氏更有其地，周世宗平淮南，地歸版圖。《通鑑》在顯德四年。皇朝因之，隸淮南西道。《指掌圖》在熙寧五年。中興以來，爲淮西路帥治，尋罷。《歷陽志》云：『乾道二年，太守胡昉就除本路帥，因爲治所，五年罷。』兼管內安撫，太守題名。淳熙二年，郭剛除和州兼管內安撫。至今不廢。今領縣三，治歷陽。

縣沿革

歷陽縣，緊。

倚郭。《元和郡縣志》云：『本秦舊縣，項羽封范增爲歷陽侯。縣在水北，故曰歷陽。』《前漢志》屬九江，爲都尉理所。莽曰明義。《後漢志》云：『歷陽爲揚州刺史治所。』沈約《宋志》云：『晉置歷陽郡於此。』《元和郡縣志》云：『北齊以兩國通和，改曰和州。』隋、唐及皇朝因之。

含山縣，中。

在州西五十五里。《歷陽志》云：『本漢龍亢縣，屬沛郡。』然沛郡乃在淮北，去江北差遠，其名雖同，似難牽強。《寰宇記》云：『本晉龍亢縣。太興二年，元帝置今縣，南有龍亢村。』雖有年月可考，而《晉志》淮南郡下止載歷陽、烏江二縣，而無龍亢縣。二者俱不同。

象之謹按：沈約《宋志》歷陽郡下載『龍亢令，漢舊名，屬沛郡，晉江左流寓立』。斯爲得之。《元和郡縣志》云：『本歷陽縣地，晉於此置龍亢縣，城在縣西八十里。武德六年，改置含山縣，八年廢。長安四年，改置武壽縣。神龍初，廢武壽，復爲含山縣，隸和州。』皇朝因之。

烏江縣，中。

在州東北三十五里。《寰宇記》云：『本秦烏江亭。漢東城縣地，項羽至烏江，烏江亭長艤船待，即此處也。』《元和郡縣志》云：『魏黃初三年，曹仁據烏江以討吳。晉太康六年，始於東城置烏江縣，隸歷陽郡。』又按《晉志》淮南郡下始有烏江縣。沈約《宋志》於歷陽郡下書云：『烏江令。』二漢無有。《晉書》有烏江。《太康地志》屬淮南。而《南齊志》臨江郡下有烏江縣。《隋志》云：『梁置江都郡，後齊改爲齊江郡，陳又改爲臨江郡，周又改爲同江郡。開皇初，郡廢，屬和州。大業初，置歷陽郡。』《唐志》隸和州。《國朝會要》云：『紹興五年，廢爲鎮，七年復爲縣。』

「監司沿革」^{〔五〕}

提舉司

紹興三年三月壬午，通判和州賈直清提舉淮西茶鹽公事，兩淮舊爲分鎮地，至是始命監司。《繫年錄》。

風俗形勝

歷陽之都，一夕反而爲湖。《淮南子》。梁山博望，關扃楚濱，夾據洪流，寔爲吳津。李白《天門山銘》。玄元有臺，彭鏗有洞。名山曰雞籠，名塢曰濡須。異有血閫，祥有沸井。劉禹錫《壁記》。鎮曰梁山，浸曰歷湖。劉禹錫《廳壁記》。女工尚（全）「完」^{〔六〕}堅，一經一緯，無文章交錯之奇。男夫尚墾闢，工苦戀本，無即山近鹽之逸。市無嗤眩，工無雕彫，無游人異物以遷其志。劉禹錫《廳壁記》。亞父所封。亞父封歷陽侯，劉禹錫詩曰：『亞父所封城。』亞父所營。劉禹錫《壁記》謂『城堅而高，亞父所營』。灌嬰所築。土人傳，古羅城漢灌嬰所築。吳爲重鎮。《通典》。二國協和，故更名和。劉禹錫《和州刺史壁記》云：『北齊圖霸，擁貞陽侯淵明以歸，王僧辯來迎，會于茲地。』天險之地。李太白《天門山銘》。瀕江，畫中流爲水疆。劉禹錫《壁記》。濡須之塢。陸士衡《辨亡論》「注」^{〔七〕}云：『濡須之塢，孫權聞曹公來築，此塢狀如偃月。』自孫權距陳，六代常宿重兵。劉禹錫。城高而堅。劉禹錫。

至魏關，則思大禹治水之功，而觀魏、吳、齊、梁用兵之處，其遺臺廢址，隱約尚在，何其壯也。郭祥正《含山縣記》。方用兵時，而含山爲內險之地，當江淮水陸之衝，故銳師宿將，嘗屯營於此。郭祥正《含山縣記》。吳、魏相持於此，南岸吳築城，北岸魏置柵。《晏公類要》。上岸擊賊，洗足入船。吳欲築塢，諸將曰：「上岸擊賊，洗足入船。」

景物上

棲鳳 在郡圃。見《補遺》。

狎鷗 在郡圃。見《補遺》。

採芝 在郡圃。見《補遺》。

浮香 在郡圃。見《補遺》。

舫齋 在設廳之後。

陋室 唐劉禹錫所闢。又有《陋室銘》，禹錫所撰，今見存。

天門 有天門山。

地軸 劉禹錫詩曰：「憶昔衆源變，斯須地軸傾。」

東城 《烏江縣學記》曰：「烏江號東城。」

東關 即魏關。

南豫 劉禹錫作《和州刺史廳壁記》云：『宋臺建，目爲南豫州。』

西園 在鎮西樓之西。

梅堂 在水心亭西。

梅山 在歷陽縣「西」〔八〕南五十里。昔曹操指山上梅林，軍士渴遂止，蓋此山也。王安上詩云：『將

軍馬上設良謀，遙望青山指梅樹。』

桃塢 在歷陽縣紫極觀，舊傳張籍讀書之處。王安上詩云：『歷陽城外桃花塢。』

楊林 渡也。

楊橋 在歷陽縣北二十里。昔張悌下張喬於揚荷橋，即此地也。

柵江 在歷陽縣西南一百五十里，與無爲軍分界。按《古輿地志》：柵江口，古濡須口也。吳魏相持

於此，吳築兩城於（北）「南」岸，魏置柵於（南）「北」〔九〕岸。今柵江、裕溪、當利三處，皆爲南北衝要。

橫江 《元和郡縣志》云：在歷陽縣東南二十六里，直江南〔採〕〔一〇〕石渡處。東漢建安初，孫策

自壽春經略江（都）「東」〔一一〕，揚州刺史劉繇遣將屯橫江，孫策擊破之於此。隋將韓擒虎平陳，自橫江濟，亦此處也。』

大江 自岷山西南流過歷陽、烏江二縣界。劉禹錫詩云：『海潮隨月大，江水應春生。』

梁山 《元和郡縣志》云：『在歷陽縣南七十里，俯臨歷水。侯景之亂，梁王僧辯軍次蕪湖，與景將侯

子鑒戰于梁山，大破之。江東有博望山，屬姑熟，二山隔江相對如門。南朝謂之天門山。兩岸山頂各有城，並王元謨所築，自六代爲都，皆於此屯兵扞禦。』

滁河

在歷陽縣北六十里。源出梁縣縣廳事^{〔一〕}，亘歷陽、含山、烏江三縣界。《九域志》：『六合縣，

楚之^{〔二〕}堂^{〔三〕}「棠」^{〔三〕}邑也。』吳赤烏十三年，遣軍十萬築^{〔四〕}「棠」^{〔三〕}邑塗塘以淹^{〔五〕}此^{〔六〕}「北」^{〔四〕}道即此，今名瓦梁河。

澧湖

在歷陽縣西六十里。名次麻湖，郡人稱曰澧湖，受麻湖水，至當利港入于江。

麻湖

在歷陽縣西三十里。爲郡之浸，東西闊二十里，南北一十五里。《元和郡縣志》云：『歷

陽^{〔一〕}湖在縣西三十里。又引《淮南子》云：『歷陽之都，一夕爲湖。』古歷字作^{〔二〕}麻^{〔三〕}，今誤爲麻，今謂之麻湖者，謬也。』《晉地理志》淮南郡阜陵縣下注云：漢明帝時，淪爲麻湖。象之^{〔四〕}切^{〔五〕}「竊」^{〔六〕}謂《晉

志》之注有牴牾處。蓋《淮南子》即淮南王安所作，劉安以漢武元狩元年坐罪國除。使歷陽之湖，至東漢永平之時始陷，則淮南子生於西漢，其著書也不應預指東漢時事，蓋巢湖、歷湖自是兩處，歷湖屬歷陽，巢湖屬巢縣，兩縣之分，自是分曉。《淮南子》所指歷陽之湖，意者即今之麻湖也。東漢史謂永平十一年，巢湖出金，非始陷也，二湖之陷，俱非明帝年間事。惟《晉志》合二湖以爲一，故亂而無統，不可以不辨。建炎三年，敵騎來寇，郡城既陷，土人相聚爲水寨以自保，敵復來攻，大敗而退。

沸井

《古圖經》云：『和州舊有沸井，在郡西一百步古城內。晉元帝時，郭璞筮云：「郡縣有陽名者井當沸。」已而歷陽縣中井沸。』劉禹錫詩云：『沸井今無湧。』今失其處。

湯泉

在烏江縣東北五十七里，韓熙載爲之《記》。元豐初，秦觀與孫覺、僧道潛來遊，皆有詩，觀又爲《賦》，并蘇軾《跋》。後孫覺結菴其上，榜曰『寄老』。劉邠有《記》。

關要

天門山，南朝謂之大江之關要，故又謂之江關。

善部

劉禹錫《壁記》云：「（唐）『本朝混一，〔號〕〔一八〕爲善部。』」

遨頭

莊嚴寺，在歷陽縣。寺有海棠洞，承平暇日，春遊競集，地主時爲遨頭。元豐間，有碑存焉。

景物下

惠政堂

在衙廳之西。孝宗居青宮時，親洒宸翰，大書『惠政堂』三字，以賜守臣胡昉。

仁樂堂

在郡廳之後。

衣錦亭

劉忠肅公詩云：『陰陰佳木與城齊，襟袖迎風弄晚暉。』

雲蔭軒

劉忠肅公詩云：『古木無年歲，新亭托舊棲。』

凌雲亭

劉忠肅公詩云：『軒宇憑虛出半天，忽驚身寄碧雲端。』

連雲觀

在郡圃城上。郭祥正詩云：『久持使節別堯天，故起朱樓北斗邊。勢壓江淮盤地厚，影分吳

楚與雲連。』

鎮西樓

在儀門之外。

西山閣

《補遺》：在郡圃。

三覺堂

在梁山廣教院〔一九〕。謂賈公易、龔公原及圓智師冲會也。

三老堂

元祐間，孫賁所建。三〔者〕〔老〕〔二〇〕即劉摯、傅堯俞、范純仁也。

三瑞堂

在郡治。

水心亭

在三老堂前。唐張籍詩云：『送客特過山口堰，看花多向水心亭。』

峨眉亭

在采石東梁山。

犀照亭

在歷陽縣東一十里當利河口北岸。昔溫嶠聞水底有音樂之聲，燬犀照之，因以名亭。

須濡山

在含山縣西南七十五里。與無爲軍七寶山對峙，中爲石梁，鑿石通水，山川險阻，最爲控扼

之雄，吳魏必爭之地，吳據其〔北〕〔南〕〔二〕，築濡須塢以拒魏。

濡須水

在含山縣西七十里，即濡須山東關之水也。三國時，吳孫權築濡須塢以拒曹操。建安二十

年，操自圍之，不克。黃武二年，魏又攻之，不拔。

龍洞山

在含山縣西南五十里。有詩酬唱。

龍鬬山

在雞籠山之南。

龍角山

在湖之西南。

龍亢寺

在含山縣。漢桓榮墓遺址尚存。

鳳凰山

在歷陽縣西北五十里，下有龍洞。

牛屯洞

在歷陽縣南四十里，與江東牛渚磯相對。《吳志》孫策攻劉繇牛渚營即此，晉譙王尚之破庾

楷軍於牛渚亦此。

牛渚山

杜牧《和州詩》：『江湖醉度十年夢，牛渚山邊六問津。』

雞籠山

在歷陽縣西北四十里，道家第四十福地也。《淮南子》云：『麻湖初陷之時，有一老母提雞籠

以登此山，因化爲石，今有石狀如雞籠，因名之。劉禹錫詩云：『雞籠爲石顙。』王安石詩云：『巉巖直浸瀛湖上，倒看山影清波中。』

烏江浦

《元和郡縣志》：『在烏江縣東四里，即亭長艤船之處。』

白雲山

在歷陽縣西北五十里。其山之龍洞，人言能爲霖雨，雲氣觸石而出，英英連山，故號此山曰

白雲山。

白石山

在歷陽縣。《唐志》云：『本白石山，天寶六載更名禱應山。』山有長真觀。按《列仙傳》有彭

祖仙室，今山下有洞。

白馬河

在歷陽縣。

黃龍城

在烏江縣。如伏龍，舊傳有異，官因斷其脉，以厭勝之。

銅城堰

在歷陽縣西南六十里。分屬歷陽、含山兩縣，周回幾一百里，散注田三千頃皆膏腴，賦入當

本州十之三。

鑠石港

在烏江縣東北五十里，入于江。

金推河

在烏江縣。

石門山

在含山縣南二十里。有谷道十里許，商旅經行其壁，峙立如門。

石湖關

紹興辛酉，兀術再犯境，張俊以兵五千守石湖關，敵遂遁去。

海棠洞

莊嚴寺，在歷陽縣西二十五里，本雞籠山臨福寺。太平興國中，徙苦竹村，因呼爲苦竹寺，寺

有海棠洞。王瑜詩云：『千株相對復相重，裊娜繁枝夾路紅。』徐申詩云：『深春苦竹寺，細雨海棠花。』

桃花塢

在歷陽縣西五里廢紫極觀後。舊傳張籍讀書處。

東華山

在烏江縣東北五十里。有老君臺，云老君煉丹之所。劉禹錫詩云：『土臺遊柱史』是也。

西〔採〕〔采〕〔三〕石

在歷陽縣東二十里。治平三年，太守傅堯俞創開。

大峴山

在含山縣西北十三里，有大峴亭。齊末，裴叔業據壽陽叛，蕭懿據大峴拒之，即此處也。

小峴山

又名昭關，在含山縣北二十里。兩山峙立，廬、濠往來之衝，其口可守禦。隆興壬午，張魏公

因山築城，置水櫃遏敵。

半湯泉

在含山永興院。倅呂愿忠詩曰：『郡境水多沸，陳村泉類湯。人情尚冰炭，地脉亦炎涼。』

四〔墳〕〔隕〕〔三〕山

在烏江縣西北三十里，直陰陵山。項羽既敗于垓下，走至東城，所從惟二十八

騎，漢兵追者千餘，乃引騎依四隕山爲圓陣，即此山也。今山石上有走馬足痕。

六合山

一名方山，在歷陽縣西北七十里。《郡國志》曰：梁武帝登此山以望六合，因名之。

八公山

在郡城北朶山之左。世說有八仙人圍碁會飲於此，故名。張祁謂仙風對八公，蓋一郡之勝

槩也。

千秋澗

在歷陽縣西北一十七里。

萬柳堤

自橫江門出，至楊林江口，〔九〕〔凡〕〔三〕〔四〕三十五里，栽柳萬餘株，號萬柳堤。

廣聖寺

在烏江縣東北一里。其水陸院側有虛樂亭，李常、孫覺、秦觀來游，孫、秦有詩。

興教院

在含山縣西南七十五里。寺當東關之巔，有關羽飲馬池、卓刀泉，故阮詩云：『兩關三寺山

無數。』

褒禪山

本名華山，在含山縣北一十五里。山有起雲峰、龍洞、羅漢洞、龍女泉、白龜泉。

棲隱山

在歷陽縣西南五十里。以山多梅，故亦曰梅山。《唐志》云：天寶更名棲隱。

當利浦

在州城東一十二里。晉將王濬過三山，王渾遣人邀之，濬曰：『風利不得泊，遂先入石頭。』

故曰當利浦。

天門山

本名梁山，在歷陽縣南五十五里，俯瞰大江。《宋書》云：『大明七年，孝武帝登梁山，大閱

水師於江中，因立雙闕於博望山。』今二山之巔各有城，皆王元謨所築。李白《銘》云：『梁山、博望關，楚濱夾據洪流，寔爲吳津。』自〔採〕〔石〕〔五〕臨江觀梁山、博望二山，若蛾眉然。

陰陵山

在烏江縣西北四十五里。即項羽迷失道處。

歷陽山

在歷陽縣西北四十里。《吳志》：『天璽元年，歷陽山石文理成字凡二十，云：楚九州渚，吳

九州都，（楊）〔揚〕州〔土〕〔土〕〔二六〕，作天子，四世治，太平始。』《江表傳》曰：『歷陽縣有石山，謂之石印。又云「石印封發，天下當太平」。孫皓遣使以太牢祭歷山。』

華陽山

在含山縣北十八里。本名蘭陵山，下有華陽亭，因名山。有洞曰華陽洞，至和初，王安石遊

焉，爲之《記》。洞有二，前洞遊者甚衆，後洞則安石所遊也。寺僧言山之巔又有天梯洞。

安陽渡

《元和郡縣志》云：在烏江縣東北八十里，與上元縣對岸。

韋游溝

在烏江縣東南二里。《唐志》：烏江縣有韋游溝，溉田五百頃。開元中，丞韋丑開。貞元十

六年，令游重彥以治之，故以二姓名溝。

新裕港

在含山縣南八十里。昔浦口有婦孝，因名新婦港。今訛爲新裕港。

斗米逕

在含山縣南八十里。隋末，杜伏威將季子建欲穿渠入麻湖通運，率部下人賁米一斗就役，米

盡逕成，饋運無缺，故謂之斗米逕。

淋溪河

在歷陽縣西一里。其源出金泉寺之山，縈紆繚繞，於形勢爲宜。唐李聰詩云：『水通滴瀝落

冰崖，』蓋其流雖小而泠然也。王安石詩云：『泠泠一帶清溪水，遠遠來穿歷陽市。』蓋指此水也。

仙宗山

近尉子橋。見《繫年錄》。

橫江河

開寶八年九月，始發〔利〕〔和〕〔三〕〔七〕州三縣丁夫鑿橫江河，以通糧道，從京西轉運使李符之

策也。

古跡

廢龍亢縣

《寰宇記》云：在含山縣南四十里。《輿地志》云：舊屬譙國。周大象元年，併入歷陽，依

舊爲龍亢縣。隋平陳，復以其地還歷陽。唐分歷陽爲含山縣，此地屬焉。

亞父城

劉禹錫《壁記》云：城堅而高，亞父所營。

晉王城

在含山縣。〔符〕〔苻〕〔二八〕堅侵晉，以姚萇爲先鋒，〔晉〕〔二九〕築城於此以禦之。又有姚

萇城。

遏胡城

在歷陽之西。《郡國志》：歷陽西有遏胡城，王導築，以拒石虎。

太子泉

昭明太子嘗浴湯泉。

袁天罡宅

在歷城縣西三十里，地名南義。

張籍宅

在城通淮門裏報恩光孝禪寺，父老傳唐張水部籍宅基也。又有書堂山，在烏江縣東一里，舊

傳張籍讀書處。

許由宅

在歷陽縣西二十里壽寧宮。相傳以爲許由故宅也。

彭祖宅

《列仙傳》云：彭祖宅在歷陽。又云：有彭祖仙室。後《圖經》云：尼寺基是也。舊傳有井

曰煉丹井。

老君基

在烏江東華山。

項王亭

《和州志》：李德裕有《項王亭賦》。

項王飲馬池

在東關之巔興教寺。

項王繫馬柱

在烏江霸王祠。

范增女廟

昭順威顯妃廟在衙門內，舊傳歷陽侯范增女號東城九娘子。慶曆初，東寇王倫攻歷陽，

見堞南角若有見，已而潰散，勦除無噍類。封威顯夫人，錢藻爲記。《繫年錄》云：『紹興元年，詔和州威顯妃，增封「昭順」二字。』

西楚霸王廟

靈祐王廟在烏江縣東南二里，號西楚霸王祠。紹興辛巳，逆亮欲渡江，乞杯珓，不從。

亮怒，欲焚廟，俄大蛇遶出屋梁，殿後林木中鼓噪發聲若數千兵然，亮大驚，左右皆駭散。又《繫年錄》：『紹興二十九年六月，名烏江縣西楚霸王廟曰「英惠」。』

魏武帝廟

在含山縣西南七十里之東關。劉禹錫詩云：『曹操祠猶在，濡須塢未平。』